

## **CYNGOR CYMUNED MANORDEILO A SALEM**

### **CYFARFOD 14eg HYDREF 2015**

Cynhaliwyd cyfarfod o Gyngor Cymuned Manordeilo a Salem am 7.30pm ar y 14eg Hydref 2015 yn Ystafell Ddarllen, Cwmifor.

#### **PRESENNOL**

Cynghorwyr Alun Davies, Arwel Davies, Jill Davies, Joseph Davies, Gwenfil Evans, Hubert Gwynne, Peter Harries, Dorian Jenkins, William Loynton, Andrew Thomas ac Owen Williams.

#### **1. CROESO AC YMDDIHEURIADAU**

Cymerwyd y Gadair gan y Cyng. P. Harries a chroesawodd bawb i'r cyfarfod. Derbyniwyd ymddiheuriadau gan y Cyng. Doris Jones.

#### **2. CADARNHAU COFNODION Y CYFARFOD DIWETHAF**

Cynigiwyd gan y Cyng. O. Williams, eiliwyd gan y Cyng. W. Loynton gyda phawb yn gytûn bod cofnodion y cyfarfod diwethaf a gynhaliwyd ar y 9fed Medi 2015, fel y maent wedi'u teipio a'u dosbarthu, yn gofnod cywir.

Arwyddwyd gan y Cadeirydd

#### **3. CROESAWU DAU GYNGHORYDD NEWYDD/DATGAN DERBYN SWYDD**

Croesawyd Mr Arwel Davies a Mr Andrew Thomas yn aelodau newydd o'r Cyngor Cymuned. Cwblhaodd a llofnodwyd y Ffurflenni Datgan Derbyn Swydd swyddogol gan y ddau, cydlofnodwyd gan y Clerc.

#### **4. DATGANIADAU O DDIDDORDEB**

Doedd yna ddim datganiadau o ddiddordeb.

#### **5. MATERION YN CODI**

4.5vii) Dim pellach gan Gyngor Sir Caerfyrddin (C.S.C.) mewn perthynas â'r mater sydd ar waith o ddiffyg lle pan fydd cerbydau'n parcio dwy ochr y ffordd y tu allan i Ystafell Ddarllen Manordeilo.

4.13ii) Dim pellach gan C.S.C. mewn perthynas â rhan o'r to sy'n pwyso dros y ffordd yn 'The Barn', Glanyrafon.

5xv) Derbyniwyd llythyr o ddiolch oddi wrth Opera leuenctid Caerfyrddin a'r Cylch am y rhodd gan y Cyngor.

11i) Mae e-bost dilynol wedi'i anfon at S.W.T.R.A. mewn perthynas â'r mater ei bod yn anodd gweld ar gylchfan Ffordd Osgoi Llandeilo wrth deithio o gyfeiriad y dwyrain.

#### **6. GOHEBIAETH**

- |   |                 |
|---|-----------------|
| i) Cyfriflen Banc Lloyds dyddiedig 01/010/2015, Taflen Rhif 73, Gweddill £10,512.30                                       | Nodwyd          |
| ii) Cyfriflen Banc HSBC dyddiedig 15/09/2015, Taflen Rhif 302, Gweddill £621.49   | Nodwyd          |
| iii) C.S.C. Addurniadau Tymhorol.   | Nodwyd          |
| iv) C.S.C. Cynllun Datblygu Gwledig 2014-20 – Cyfleoedd am Gyllid.  | Cadeirydd/Clerc |
| v) Swyddfa Archwilio Cymru, trefniadau archwilio allanol ar gyfer 2015 – 2019.  | Nodwyd          |
| vi) Bwrdd Iechyd Hywel Dda, Grŵp Prosiect Iechyd Meddwl newydd. Clerc i wahodd cynrychiolydd i'r cyfarfod nesaf.          | Clerc           |
| vii) Pwyllgor Deisebau Cynulliad Cenedlaethol Cymru parthed taliadau parcio ceir a'u perthynas â llwyddiant y Stryd Fawr. | Gwefan          |
| viii) Adroddiad Drafft Panel Annibynnol ar Gydabyddiaeth Ariannol Llywodraeth Cymru.                                      | Nodwyd          |
| ix) Un Llais Cymru, gwybodaeth yn cynnwys hyfforddiant, apwyntiadau ac ymgynghoriadau.                                    | Nodwyd          |
| x) Canolfan Flaenllaw i Ddatblygu Mentrau Cymdeithasol, Sadwrn Siarad.  | Nodwyd          |
| xi) Cynllun 'Noson Allan' Cyngor Celfyddydau Cymru; anfon ymlaen i Neuadd Bentref Salem a Manordeilo.                     | Clerc           |
| xii) 'Nawdd Tyfu'n Wylt i Gynorthwyo Cymunedau i Flodeuo'; Clerc i gael golwg ar hwn.                                     | Clerc           |
| xiii) Tyfu'n Wylt Cymru, pecynnau hadau am ddim; Clerc i gael golwg ar hwn.   | Clerc           |
| xiv) Cyfle am Nawdd i Osod Seiliau trwy Lefi Bagiau Tesco.  | Nodwyd          |
| xv) Gwybodaeth am Ganser a Gwasanaethau Cefnogi, cais am gymorth ariannol.  | Chwef           |
| xvi) Eisteddfod Ryngwladol Llangollen, cais am gymorth ariannol.  | Chwef           |
| xvii) Ffederasiwn Clybiau Ffermwyr Ieuaic Sir Gar, cais am gymorth ariannol.  | Chwef           |

#### **7. GOLEUADAU**

**8. LLWYBRAU TROED**

i) Mewn perthynas â Llwybr troed Tyle, Manordeilo, fe wnaed amryw o awgrymiadau mewn perthynas â gwneud gwaith cynnal a chadw rheolaidd ar y llwybr. Cytunwyd y dylai'r Cyngorwyr A. Davies a D. Jenkins fynd i archwilio'r llwybr ac adrodd yn ôl am y gwaith cynnal a chadw bydd ei angen.

Cyngorwyr A. Davies/D. Jenkins

**9. CYNLLUNIO**

Penderfynwyd anfon y sylwadau canlynol ymlaen at Adran Gynllunio, C.S.C.:

E/32698 Caniatâd Cynllunio Amlinellol Arfaethedig am Un Annedd  
Tŷ'r Ysgol  
Heol Ysgol Salem  
Salem  
Llandeilo  
SA19 7LY  
Zone Format

**Mae'r Cyngor yn gwrthwynebu'r cais oherwydd pryderon ynglŷn â chyfanswm nifer yr anheddau arfaethedig ar safle'r Ysgol, byddai dwysedd y datblygiad yn anharddu calon y pentref ac yn achosi problemau oherwydd nad oes digon o lefydd parcio ac o bosib problemau fyddai'n achosi perygl wrth deithio ar isffordd.**

E/32714 Adeilad Amaethyddol a Stablau Arfaethedig ynghyd â rhoi wyneb newydd ar Drac Mynediad  
Gruffydd Stables  
Capel Isaac  
Llandeilo  
SA19 7UA  
**Dim Gwrthwynebiad**

(Mynychodd Mr Griffiths, yr ymgeisydd, y cyfarfod gan ateb ymholiadau'r Cyngorwyr ynglŷn â'r cais uchod)

**10. GWASANAETH SUL Y COFIO 8fed TACHWEDD 2015**

i) Yn garedig iawn gwirfoddolodd y Cyng. D. Jenkins i docio a glanhau'r ardal o amgylch y Gofeb Ryfel cyn y Gwasanaeth.

ii) Dywedodd y Clerc y byddai'n cael gair gyda Warden Eglwys Taliaris a hefyd yr heddlu ynglŷn ag amserau'r Gwasanaeth a'r orymdaith i'r Gofeb Ryfel; mae'r dorch o flodau pabi eisoes wedi'i harchebu.

Clerc

iii) Ymddiheurodd y Cadeirydd gan na fyddai'n medru mynychu'r Gwasanaeth, cytunodd y Cyngorwyr Sir J. Davies i fynd yn lle'r Cyng. P. Harries.

**11. CYFRIFON I'W TALU**

Cytunwyd i dalu'r canlynol:

i) Mrs J. Davies, Cyflog y Clerc Hydref 2015 a Threuliau, Siec Rhif 1149 £447.91

**CYFANSWM £447.91**

**12. UNRHYW FATER ARALL**

i) Cyflwynodd y Cyng. O. Williams rhestr fanwl o awgrymiadau mewn perthynas â chynnwys a datblygiad cyffredinol gwefan y Cyngor, cytunwyd iddynt a gofynnwyd i'r Clerc eu gweithredu. Trafodwyd dolenni gyda gwefannau eraill perthnasol ynghyd â'r posibilrwydd o gychwyn Tudalen 'Facebook'. Cyngorwyr i ddod â syniadau i'r cyfarfod nesaf am drafodaeth bellach.

Pawb/Clerc

ii) Clerc i ychwanegu cyfeiriad y we i bapur pennawd y Cyngor.

Clerc

iii) Nodwyd gyda boddhad bod gwaith gwella sylweddol wedi ei wneud i safle Hen Danerdy Rhosmaen.

Gan nad oedd unrhyw fusnes arall, diolchodd y Cadeirydd i bawb am ddod a daeth y cyfarfod i ben am 9.00pm.

.....11eg Tachwedd 2015

CADEIRYDD